

PWYLLGOR SAFONAU

Cofnodion y cyfarfod a gynhaliwyd ar 11 Medi 2014

PRESENNOL: Aelodau Annibynnol

Mr Michael Wilson (Cadeirydd)
Mr Islwyn Jones (Is-Gadeirydd)

Mrs Denise Harris Edwards
Mr Leslie Lord
Mrs Dilys Shaw

Yn Cynrychioli Cynghorau Tref a Chymuned

Y Cynghorwyr William Raymond Evans a John Roberts (Dim yn bresennol ar gyfer eitem 4)

WRTH LAW: Pennaeth Swyddogaeth (Busnes y Cyngor)/Swyddog Monitro(LB)
Cyfreithwraig (Llywodraethu Corfforaethol)(AW)
Swyddog Cyfathrebu (GJ)(Ar gyfer Eitem 4)
Swyddog Pwyllgor(SC)

**HEFYD YN
BRESENNOL:** Y Cynghorydd XXXX

YMDDIHEURIADAU: Y Cynghorwyr Trefor Lloyd Hughes a Dafydd Rhys Thomas

1 DATGANIADAU O DDIDDORDEB

Eitem 4 - Gwnaed datganiad o ddiddordeb gan y Swyddog Monitro oherwydd honiad a wnaed gan y Cynghorydd xxx am un o'i Gwasanaethau.

2 COFNODION

Cadarnhawyd cofnodion y cyfarfod a gynhaliwyd ar 11 Mehefin 2014 fel rhai cywir.

YN CODI O'R COFNODION

Cyfeiriodd yr Is-Gadeirydd at fersiwn Gymraeg y rhaglen ac at gyfieithu dogfennau i'r Gymraeg. Nododd nad oedd y dyfyniadau yn cael eu cyfieithu a bod y dogfennau hyn yn cael eu cyhoeddi ar wefan y Cyngor. Gofynnodd a fyddai modd ymchwilio i hyn.

Gweithredu: Cyfeirio'r mater i'r Adain Gyfieithu

Eitem 3 – Fforwm y Pwyllgor Safonau

Cafwyd diweddariad ar Eitem 3 gan y Cadeirydd - cael disgrifiad swydd ar gyfer Clercod Cynghorau Tref a Chymuned ac anfon copi i'r Cadeirydd.

Dywedodd y Cadeirydd fod y Gyfreithwraig (Llywodraethu Corfforaethol) wedi anfon dogfen o'r enw 'Canllawiau Hanfodol i Glercod' gan Un Llais Cymru i Gynghorau Tref a Chymuned. Mae disgwyliadau hefyd wedi eu nodi yng Nghanllawiau'r Ombwdsmon ar y Côd.

Mewn ymateb casglwyd nad oedd yna ddisgrifiad swydd cyffredinol ac mai cyfrifoldeb y Cynghorau Tref a Chymuned oedd cytuno ar eu disgwyliadau gyda'u Clercod.

Gweithredu: Bydd y Swyddog Monitro yn trafod y mater gyda'r Clercod yn yr hyfforddiant a gynhelir yn o fuan.

Eitem 4 – Datgan diddordeb mewn Cyfarfodydd a'r Gofrestr o Roddion a Lletygarwch

Gofynnodd Mrs Shaw i'r Cadeirydd am ddiweddariad ynghylch cyllido'r feddalwedd. Ymatebodd y Cadeirydd trwy ddweud ei fod wedi bod mewn cyfarfod gyda'r Arweinydd Grwpiau a chytunwyd i gefnogi menter y Pwyllgor Safonau.

Dywedodd y Swyddog Monitro ei fod wedi ei gytuno mewn egwyddor, a bod rhaid cyflwyno adroddiad i'r Pwyllgor Gwaith i ddyrannu arian o gronfa wrth gefn yr Arweinyddion Grwpiau. Roedd y Pwyllgor Gwaith wedi gofyn i'r Pwyllgor Safonau gysylltu gyda Chymdeithas Lywodraeth Leol Cymru i weld a oes cyllid ar gael. Cafwyd ymateb gan y Gymdeithas yn dweud nad oedd modd iddi ddarparu cyllid. Dywedodd y Swyddog Monitro ymhellach mai'r rheswm am wrthod cyllido oedd y berthynas fasnachol a chontractyddol rhwng y Cyngor a datblygwr y feddalwedd. Byddai'r Gyfreithwraig (Llywodraethu Corfforaethol) yn cysylltu â CLILC eto i weld a fyddai'n ailystyried.

Dywedodd y Swyddog Monitro fod yr adroddiad wedi ei baratoi a'i gymeradwyo'n ffurfiol ond nad oedd hi am fynd â'r mater yn ei flaen hyd oni fydd CLILC wedi rhoi ateb terfynol neu oni fyddai Cynghorau eraill yn gallu darparu cyllid.

Gweithredu:

- **Y Gyfreithwraig (Llywodraethu Corfforaethol) i ysgrifennu'n ôl at CLILC yn dilyn trafodaeth gyda Rheolydd Gwe'r Cyngor a darparu diweddariad pellach.**
- **Disgwyl am ymateb terfynol gan CLILC neu Gynghorau eraill cyn symud ymlaen.**
- **Yna, mofyn penderfyniad gan y Pwyllgor Gwaith.**

Eitem 9 – Hyfforddiant ar gyfer Aelodau'r Pwyllgor a Chynghorau Tref a Chymuned

Holodd Mrs Shaw ynglŷn â'r sefyllfa mewn perthynas â hyfforddiant ar gyfer Cynghorau Cymuned.

Ymatebodd y Swyddog Monitro trwy ddweud bod y dyddiadau wedi eu pennu a bod gwahoddiadau wedi eu hanfon ond ni chafwyd ymateb da iawn.

Cyfeiriodd y Cadeirydd at gyfarfod ymgysylltu. Yr ymateb gan Glercod y Cynghorau Tref a Chymuned oedd nad oeddent yn credu mai eu cyfrifoldeb nhw oedd rhoi cyngor ar y Côt Ymddygiad. Roedd y Cadeirydd wedi bod mewn cyfarfod arall lle awgrymodd Cyngor Tref a Chymuned Caergybi y gallai'r clercod ddod ynghyd fel grŵp ar gyfer sesiwn hyfforddi. Nid oedd gan y mwyafrif o'r Clercod lawer o frwdfrydedd mewn perthynas â'r hyfforddiant.

Awgrymodd y Swyddog Monitro bod y Pwyllgor Safonau yn dal ati gyda'r hyfforddiant fel y cynlluniwyd. Ystyriwyd y byddai o fudd adeiladu ymhellach ar y berthynas.

PENDERFYNWYD nodi'r adroddiad.

Gweithredu: Cysylltu gyda Chlercod Cynghorau Tref a Chymuned i'w hatgoffa o'r hyfforddiant sy'n cael ei gynnig.

3 CAU ALLAN Y WASG A'R CYHOEDD

Penderfynwyd mabwysiadu'r isod:

“Dan Adran 100(A)(4) Deddf Llywodraeth Leol 1972, anfon y wasg a'r cyhoedd allan o'r cyfarfod yn ystod y drafodaeth ar yr eitem isod oherwydd y tebygrwydd y câi gwybodaeth ei rhyddhau a honno'n wybodaeth y gwneir eithriad ohoni yn Atodlen 12A y Ddeddf ac yn y Prawf Budd y Cyhoedd sydd ynghlwm”.

4 ADRODDIAD GAN YR OMBWDSMON

Cyflwynwyd - Adroddiad gan Ombwdsmon Gwasanaethau Cyhoeddus Cymru (OGCC) yn ymchwilio i gŵyn ynghylch achosion honedig o dorri'r Côt Ymddygiad ar gyfer Aelodau gan Gynghorydd Sir.

PENDERFYNWYD cynnal gwrandawriad ar ddyddiad ac amser i'w pennu.

Ymunodd y Cynghorwyr John Roberts a W R Evans â'r cyfarfod ar ôl y drafodaeth ar yr eitem hon.

5 Y GOFRESTR O RODDION A LLETYGARWCH A NODIADAU BRIFFIO

Cyflwynwyd – adroddiad gan y Gyfreithwraig (Llywodraethu Corfforaethol) yn amlinellu'r cysyniad o gyhoeddi nodiadau briffio achlysurol ar gyfer Aelodau ar faterion penodol y mae aelodau yn gofyn cyngor arnynt yn aml.

Cafwyd diweddariad gan y Gyfreithwraig (Llywodraethu Corfforaethol) ar rôl yr Adain Gyfreithiol yn darparu gwybodaeth ac arweiniad i Aelodau ynghylch unrhyw gwestiynau a fo ganddynt neu i sicrhau eu bod yn cael eu diweddarau ynghylch unrhyw newidiadau perthnasol yn y gyfraith. Dywedodd y Gyfreithwraig fod yr Adain Gyfreithiol wedi cwblhau 4 o nodiadau briffio yn y 6 mis diwethaf.

Bwriedir cyhoeddi nodyn briffio newydd ar Roddion a Lletygarwch, yn dilyn adolygiad a wnaed gan y Pwyllgor hwn yn gynharach eleni. Nodwyd nad oedd llawer o Aelodau yn cofnodi rhoddion a lletygarwch. Esboniodd y Gyfreithwraig fod yr Adain Gyfreithiol wedi gosod allan y cwestiynau y mae'r Aelodau yn eu gofyn yn aml gydag awgrymiadau o ran atebion.

Awgrymodd yr Is-Gadeirydd y byddai'n dymuno bod derbyn tocynnau a mynediad am ddim yn cael eu hychwanegu at y ffurflen.

Awgrymwyd cynnal sesiynau briffio cyn cyfarfodydd y Cyngor oherwydd y gallai ddenu presenoldeb uwch.

Nid oedd y Swyddog Monitro yn ystyried y byddai'n ddoeth cynnal sesiynau hyfforddi cyn cyfarfodydd oherwydd y baich gwaith sydd eisoes gan yr Aelodau. Awgrymwyd y gellid sôn eto am y nodiadau briffio yn Adroddiad Blynyddol y Pwyllgor Safonau.

PENDERFYNWYD nodi'r adroddiad.

6 CWYNIION YNGHYLCH YMDDYGIAD A WNAED I OMBWDSMON GWASANAETHAU CYHOEDDUS CYMRU

6A Cyflwynwyd – Adroddiad gan y Gyfreithwraig (Llywodraethu Corfforaethol) ar ffurf matrices wedi ei ddiweddarau ar gyfer Cynghorwyr Sir.

Mynegodd y Cynghorydd John Roberts bryder fod dau o'r cwynion wedi cymryd amser maith i ddod gerbron y Pwyllgor.

Dywedodd y Swyddog Monitro mai targed yr Ombwdsmon oedd cyflwyno adroddiad i'r Pwyllgor Safonau cyn pen cyfnod o flwyddyn, a bod y mater hwn wedi ei godi hefyd yn y Fforwm Pwyllgor Safonau.

PENDERFYNWYD nodi'r adroddiad er gwybodaeth a chodi'r mater eto pan fydd Fforwm Pwyllgor Safonau Gogledd Cymru yn cyfarfod â'r Ombwdsmon ym mis Tachwedd.

6B Cyflwynwyd – Adroddiad gan y Gyfreithwraig (Llywodraethu Corfforaethol) ar ffurf matrices wedi ei ddiweddarau ar gyfer Cynghorau Tref a Chymuned.

PENDERFYNWYD nodi'r adroddiad er gwybodaeth.

Cyfeiriodd y Cadeirydd at Adolygiadau Datblygiad Personol a gofynnodd i Aelodau'r Pwyllgor gwblhau adolygiad. Dywedodd y bydd fersiwn Gymraeg ar gael hefyd. Esboniodd hefyd ei fod wedi neilltuo slotiau o hanner awr ar gyfer Aelodau'r Pwyllgor Safonau ac y byddai'n adrodd yn ôl gyda chynllun hyfforddi drafft ar gyfer y Pwyllgor yn ei gyfanrwydd.

Daeth y cyfarfod i ben am 4:00pm

**MR MICHAEL WILSON
CADEIRYDD**